

鄖陽志補

安襄鄖荆兵備道王正常續纂

前志纂輯時軍興旁午且尠藏書蒐羅無幾校刊後恭閱  
大清一統志及各書史有關於鄖者錄之為補遺或續有建置

及官師軍制並陣亡諸人與剿除蕨事為增補其詩文仍

依前式分綴各門

山川

關隘

古蹟

風俗

補遺

鄖縣

滄浪山

補註山有二一在鄖縣北百里一在竹山縣百里

兜牟山

補註一統志作兜蓋山

鄖陽志補

白龍山

即龍山與地紀勝頂有張黃二真人葬履壇前志  
入古蹟

捉馬山

縣西北三十里

天井山

縣北百七十里

阿姑巖

城北二里

亂石山

縣東北百二十里

武陽洞

縣西北五十里禱雨多應

精舍山

唐書地理志鄖鄉有精舍山本名獨山天寶中更  
名

鄖城山

九域志在鄖鄉境

滔河

縣西北百七十里自商南縣入百四十五里至盤道  
保流入浙川縣界

趙河

補註源出縣東北百四十里地名馬喊泉案即馬  
泉

堵陽故城

縣西南梁置後省唐復置尋又省水經注又東過堵陽縣又堵水北逕堵陽縣南舊唐書地理志武德元年置南豐州領堵陽縣貞觀元年省入鄖鄉俱一統志

白家營

城東十五里

安陽口

城東五十里

崖屋店

城西南一百二十里

安城店

城西七十里

漢王城

縣東北百二十里相傳漢光武嘗屯兵於此

濮王墓

補註唐濮恭王泰墓在縣北五里輿地紀勝地名長辦村有廟

房縣

牛心山

縣東里許

鄖陽志補

二

見石山

距青峯山十五里

九室山

補註一名爛柯山輿地紀勝山下有九室唐置九室宮後為陳搏修煉之所餘詳叢紀

羊子山

補註一名楊子山筑水所出

馬息山

縣北七十里有馬息古驛又再北為馬嘶山

志公巖

縣西北四十里

五女山

輿地紀勝在縣鄧村

麥場亞

縣東北九十里舊有官亭

汎水

隋書地理志永清縣有汎水

堵水

補註一統志由房縣北境歷黃鵠灘至花果園入鄖縣界按花果園有二東花果園距堵水二十里西花果園距堵水三十里俱有小溪不通舟楫餘詳竹

河

霍水

縣西北俗名章洛河隋書地理志光遷有霍水輿地紀勝霍水導源自房陵至竹山入堵水

溢泥河

縣東北自黃家埡西流至白窩村入筑水

北河

縣北東流入粉水寰宇記河源出縣西界繞城東流不通舟楫有石岸門阻隔

沮水

補註水道提綱注在縣南稍西北百三十里其西為陰條嶺其東南為五柯樹山

龍光寺

在房南即廬陵王故宮

綏陽故城

縣西南百七十里三國魏置縣西魏置綏州晉武帝太康二年復為縣隋書地理志房陵郡光遷有舊綏陽州開皇初廢

椒園坪

縣北一百里

冷盤埡

縣南二百十里

柏木店

縣西南百八十里

鄖陽志補

浙川縣

在房境舊唐書地理志武德元年遷州置五年廢

梅來亭

補註古名至喜館輿地紀勝舊名梅來亭紹興十四年漕使周紹易今名一統志

陳造房陵詩十首

江湖長翁集

似聞仙伯厭乘龍常混紅

塵市井中覲面未須避我寒衣無計以尋公

房人謂巧避日

起避力尋日以尋

陰晴未敢捲簾看苦霧濛濛鼻為酸政使病

餘剛制酒一杯要敵滂潮寒

晨起霧久乃開土人日日滂潮

祠壇歌舞

雜嗟吁下西猶濡上西枯誰謂朝來一拆雨歡聲已覺

沸通衢

瀦水溉田日酉得雨日一拆雨

竹屋高低正復斜蔚藍影裏著

人家底消山峽三分瘴爭課廬同七椀茶

土人晨飲茶日勝山嵐氣

又日防三分瘴

夏田少雨富來年多雨何妨稽事秋已戒日供

皮子麵更教晚稻飽霜收

麵皆滲不滲者曰皮子麵  
稻得霜乃收曰飽霜米

牛待得夕陽回在處諸嫗笑口開已借蠟錢舖麥稅免

教緝捕闖門來

弓手下鄉  
日以緝捕

杯酒清濃肉更肥咸言趁社

極歡嬉丁寧向去坐年日要似如今斂脯時

年日飲食  
日坐年社

日日斂脯

農閒間里有逢迎白飲傍邊骨在羹老稚不妨頑

過日邊頭難得是昇平

俗謂戲曰頑  
羹曰骨在

刈罷秋禾未敢慵

更須趁逐過殘冬城中竹筴今年貴鹽茗新來免闕供

買枯竹供  
爨曰竹筴

翁媪同圍老瓦盆倒菊新酒雜清渾規南規

北皆春社日放烏犍臥晏溫

村落所  
聚曰規

### 竹山縣

### 鄖陽志補

方城山

補註輿地紀勝又名望楚山圖志云楚懷王二十八年秦與齊韓魏共攻楚方城秦軍登山望楚國

故名

長腰山

縣東輿地紀勝相接者為東谷

望仙山

縣南輿地紀勝右連九女山

香爐山

補註山有二一在縣南五十里一在縣西南百三十里

黃竹山

縣東北一名黃竹嶺元和志在縣北百里山上竹色皆黃西魏改置竹山縣因名寰宇記在縣東百

里

取毒砦

縣西北三十里又二十里為中砦

微王山

紫微集宋張嶠有微王山銘並序其詳云正竹山縣西南三十里曰微口二水支分於此合江而入

堵水其右發源自金州之宣漢土人謂之微江沂微江其左發源盡竹山西界土人謂之微江沂微江其

百里而近有二山臨水其東穹崇而齒萃其西蟠  
礴而渾厚高皆出飛鳥外土人目爲雄雌而均謂  
之微王山山之草木藜茂豐美雲氣之所出入常  
以候陰晴甚驗環山數百里皆峻巖穹谷蓋龍蛇  
物怪之所憑依也山民事微王甚謹水旱癘疫之  
災於是乎禱之其應如響建炎四年桑仲寇竹山  
境之被害者十七八不死亡則殘破惟避地茲山  
者皆得免信神靈之庇佑人也按尚書武王伐紂  
載其助者曰羌髡庸蜀微盧彭濮人意其自是以  
得封爵而遭秦焚書之後故其家世莫傳然孟津  
之會諸侯八百夫豈無大邦而微獨見於秦誓吁  
亦光矣嗚呼微王之靈生於數千百載之前則能  
佐仁聖以伐暴虐歿於數千百載之後猶能假天  
險以濟生人是宜著在六經而獨廟食百代而不  
泯者也某嘗避地茲山得免鋒刃感神之賜而慕  
其德敢虔恪拜手而獻銘曰有微啓土莫究厥初  
佑仁伐暴乃見於書歷載綿邈羣祀忽諸廟貌獨  
在威神赫如禹會塗山執玉萬國周誓孟津以來  
八百豈無大邦莫弗淹沒有偉惟微獨列六籍仰  
彼微山惟石巖巖微王之德惟民所瞻惟神之靈

鄖陽志補

嚴威如在日霽而明日雨而晦極淫佑善俾民斯  
理驅厲濯氛俾民不侮我田穰穰我稼嶷嶷風之  
咍之時雨澤之惟神之施歲以免疵瞻彼左山有  
屹其峙微王之德與地無際炎正中微邊塵亂夏  
羣盜恣睢縱橫於野穹谷密林民無免者惟依茲  
山父子完安惟神之庇以免暴殘惟依此土安爾  
婦女惟神之佑以道荼苦微王之前古無與先左  
右仁聖興師用還拯民塗炭千古之前微王之仁  
亘古曷有恢其阻險脫民虎口遇寇惟民千古之  
後我欽王德勒銘巖阿川平山思惟德不磨前志  
入房縣維水按嶠字巨山光化人

神武山

輿地紀勝在縣境與豐谷相對

浸水

寰宇記縣西四十里源出王冢山南流入武陵水堪  
浣纈紗色白如練按武陵水卽堵水前志入房縣源  
流互異

上元水

卽北星河源出庸嶺下

生河市

縣南二十五里

泥灣市

縣南五十里

歲寒堂

紫微集宋張嶠記竹山古庸國也按春秋左氏魯文公十六年楚使廬戢黎伐庸及方城今方城亭是也介居楚險而號劇邑多巨姓強家連地千頃其間桀黠者往往雄張一鄉負多資視爲吏者若易與每輕犯法自國朝以來無令聞焉宣和六年秋會邑多故度爲令者不足以辦事欲擇他吏以憚之於是令夏珙致宏自房陵丞往涖邑事以才選也暨至邑宣令典設教條振俗弊於無辜敷恩信以勸其從嚴斷刑以威其淫大率以抑強扶弱爲本用猛而濟之以寬未期年而政成訟庭廓無事矣因顧其縣宇而嘆曰茲宇雖鄙遠亦春秋之建國也室宇卑敝旣不足以稱子男之居而且無退公思治之所其陋甚矣昔唐柳宗元作零陵三亭記以謂君子必有游息之物高明之具使之清寧平夷常若有餘然後理達而事成吾不佞豈敢爲是游觀勤民以自便至於宴息之居所以與

鄖陽志補

六

後人同其利者則不可以私自款爲解於是積財以羨餘課功於暇時度臚背有卻地作室六楹從七架壯麗雅潔不陋不侈爽塏靜深宜燠宜寒朝暮以聽訟詞閒暇以宴賓客自經始以至落成人初不知有役事也堂下有雙楹其大連抱其高參天因榜曰歲寒堂乃謂其友張某曰余之名堂非獨木之謂也雖余之終身從政將有取於是焉子其爲我記之僕因謂曰嘉樹之與惡木並生於天地間初若無別也至於陵厲以秋霜回薄於嚴風而能不凋落然後松柏之節見矣君子與小人並居於世初亦若無別也至其誘於利害割於禍福而不能變遷然後君子小人見矣初致宏之始至也疾視邑之蠹敝心不能平旣又盡知豪吏大姓素爲惡者主名一切以三尺從事畧不以法假人良民坐是安堵而姦猾不便其政於是羣聚而謀欲從飾惡言覬以蠱惑羣聽其言旣莫之信則又欲誣之以他事訴於當路者且微使人諷致宏觀其寬已也致宏自度無一可以爲已病者畧不措意治豪橫益急卒不以是少改其度其去之日如始至也由是觀之以歲寒名其堂其誰曰不宣致

宏九江人文莊公之裔孫讀書作文頗有思致竹山之政大抵以此緣飾非文俗吏所能辦也彼足之人其糞除其堂封殖其樹以無忘賢令之德附韓宣子故事云

新豐廢縣

縣東南齊置梁改武陵縣魏改京川縣廢帝二年改孔陽縣隋改上庸今併入竹山

武陽廢縣

補註漢置後漢省寰宇記在上庸東四十里

微陽廢縣

補註魏置建始縣晉改名微陽梁省

安鄉故城

在縣境華陽國志上庸郡領安鄉縣梁改上庸置安城縣以安鄉故縣得名

吉陽故城

縣西東晉置晉書地理志桓溫平蜀之後以巴漢流人立晉昌郡領吉陽東關縣府志上土城在縣西五十里下土城在縣北五里今有吉陽關前志入關隘而以廢縣入鄖西誤

竹谿縣

龍頭山

縣東一里

鄖陽志補

洞崎山

補註一名銅溪山上有砦為設險處有銅溪洞

終南山

補註東有子房城

連錢山

縣西北六十里廻環相連形若布錢相近有豎旂山

得勝砦

縣南五十里見通志

住峪河

縣東南六十里

浪河

縣南五十里

龍堰河

縣東北南流以上三河俱流入堵水一統志

竹溪河

補註水道提綱注堵河一名楚河即竹溪河有二源西北源曰竹溪河出竹溪縣西北與陝西白河縣界七里關西南之雞籠山其北水即閭河炭河也竹溪南流數十里至中峯塘東南有白土關水西自界上西溝塘來會其西水即平利縣東之石牛河也竹溪折而東流有一水自北來經城西來

會竹溪又東經縣城南洛家河自北來注之又  
東稍北折東南流至水塘東南有縣河自北界  
山北流百餘里來會曰西兩河口又東南七十里  
至東兩河口西南源來會○西南源曰柿河出西  
南與陝西界會家村北山其西水即嵐河也柿河  
東流百六十里經渡船口塘北又東四十里有秦  
坪河自西南來注之折東北流百里至東兩河口  
與竹溪會有羊腸河自東南來合焉又東北經竹  
山西南境至縣城南合房縣陰條嶺上龕獐落河  
諸水至陡河口入漢按此條二竹水道較明晰

### 保康縣

蛇峪山

補註縣中諸山皆自此發脉

砦山

縣南八十里

大罐子山

縣北五十里

百武山

隋書地理志永清有百武山

### 鄧陽志補

照珠山

隋書地理志永清有照珠山前志入房縣

蔣口河

縣東北四十里一名掌口南流入筑水

受陽坪堡

縣西南百八十里

歇馬河店

縣南百里

洞庭廟店

縣北四十里

受陽廢縣

縣西南百五十里核房縣界今名受陽坪唐書地理志武德元年遷州置受陽縣七年廢前志入竹山誤

沮陽廢縣

縣南南朝宋置西魏廢宋書州郡志汝陽太守領縣沮陽何志新立

汴鄉廢縣

縣南三國魏立梁省汴亦作祈宋書州郡志新縣太守領縣汴鄉晉太康地志作汴前志入房縣誤



鄖西縣

鐵鵲山

補註一名鐵鵲嶺山內有洞輿地紀勝紹興十六年與金和好成割鐵鵲關外韋馱坪為界接前志作草馱又卓馱俱舛

金花砦

縣東南四十里又五十里為廖家砦

北山砦

縣西北五十里

黃連壩

縣南四十里舟行入漢之埠口

上津堡

補註舊為縣今移鄖陽通判分駐

汲浪河

補註一統志作激浪河

羊尾山店

縣西南百二十里

閻家店

縣北三十里

鄖陽志補

九

開元廢縣

補註隋書地理志作開化

興晉故城

縣西北魏立平陽縣晉改名西魏廢水經注漢水又東左得育谿興晉旬陽二縣分界於是谷

黃沙故城

縣東唐書地理志均州鄖鄉武德元年置黃沙縣八年省

忠烈祠

縣西南祀明死事同知朱哀

去思亭

縣東南為知縣侯爵建俱一統志

城池

祠祀

增補

鄖陽府城嘉慶九年總督吳熊光飭鄖縣知縣高賜禧與士

民重葺並建南門城樓北門春雪樓

武廟舊在府治北儒林街嘉慶六年知府王正常率鄖縣知

縣高賜禧與士民建於試院東工成適河南藩司桐城

方維甸以防邊駐鄖有記

鄖陽封域之內

帝廟無慮數百其在鄖城儒林街者為有司饗獻之所顧其廟狹隘弗稱且奉

像於佛殿前楹非禮也今安襄鄖荆兵備道瀘州王公正常於乾隆六十年來守鄖陽釐正祀典欲拓而新之會軍興日不暇給事遂中輟治鄖六載政安人和寇賊衰息謀於鄖縣知縣祥符高公賜禱以舊廟無隙地可闢惟元至正中所建廟在今試院之東規制宏濶及據碑考尋遺址有官奪之為倉庾者民侵之為廬舍園圍者僅存廟屋三楹陟剝已甚於是核其故地還諸廟王公率諸僚屬捐俸倡之士民助之庀材鳩工建殿宇於中後設

啓聖祠前接軒堂下廣延翼以兩廡繚垣四周重門洞達樹綽楔於門外以表之題曰

忠義神武大帝之廟不著漢時爵謚者遵功令也殿陛崇嚴典禮咸秩余奉

命屯守漢江駐師於鄖適觀厥成乃嘆賢使君祀神以禮而設教訓民之意至深遠也竊以

鄖陽志補

帝廟祀典牲牢籩豆用王者禮自京師下逮郡邑通得祀尊崇與

孔子等百神廟祀之盛莫之與京夫豈侈陳隆報哉惟帝剛大之氣上蟠下際昭著如日月迅疾如風霆曼絕古今

為能盡其性耳人同此性精爽憑之其尸祝之遍於天下也固無足異往歲宜昌奸民以左道倡亂蔓延荆襄

西至於鄖陽賊黨遙相應和所在蠶起士民奉郡檄大索伏莽之賊先事悉誅之梳爬芟夷折其芽蘖近郊始

稍安而賊之焚掠境上者未已也鄉里豪雋之士復率眾與賊戰屢挫兇鋒斷胆陷胷蹈白刃而不懼以名上

兵部請卹者多至數百十入夫鄖人死事奇節表見卓卓如是雖與古烈丈夫揮斤八極所就或有不同而義

憤之激發不欺其志大本又寧有異耶民俗之懿既與帝忠義之心曠百世而相感茲為廟以奉祭盛知必歆享其

祀保祐其民於無窮神之來格固捷於里巷之祈禳感應已抑聞之古者出師獻馘皆於泮宮行之而類馮表

貉乃祀黃帝唐制又於表貉之外別祀武成王與文宣王相配然軒轅為天子太公為諸侯非郡邑可通祀惟

帝之功施未竟於當時而植綱常扶名教足以垂範於萬世今之廟祀與鬻宮並重固匪特師祭之遺也蓋示民以

有勇知方之義而勵其親上死長之心詩曰匪怒伊  
其斯之謂乎工始於嘉慶六年二月斷手於七年四月  
余與王公高公祇謁廟堂徵文以紀成事余維廟制備  
矣而以死勤事之祀不可不舉余昔爲太常卿嘗有事  
於昭忠祠見祠中木主凡捐軀戰陣者下至走卒皆附  
此

聖朝教忠盛典也今或仿故事構數楹於廟側祀諸烈士以  
鄉賢附祀學校者例之於禮爲宜併書之以詒來者時  
嘉慶七年十月庚戌

### 昭忠祠知縣高賜禧建有記

今上御極元年湖南苗疆戡定七年川陝湖北教匪蕩平其  
間疆場効命者例得祀於

京師之昭忠祠原籍舊未有也本年欽奉  
詔旨命直省各建昭忠祠凡歿於王事皆蒙

賜卹或且賞延於世今又祀於其鄉千秋俎豆俾其梓里共  
見共聞秩祀旣可長行而表揚尤爲真切誠曠典也伏

念鄖屬屈楚西鄙  
國家承平以來服疇食德士民目不覩干戈百五十餘年

### 鄖陽志補

十一

矣一旦奸民蠢動義旗並舉相與同仇芟刈不遺餘力  
抑或隨征敵愾與賊交鋒陷白刃而不懼何其烈也至  
身入戎行又莫不摧堅陷敵矢志死綏述其事者猶凜  
凜有生氣焉其報以祀也固宜先是鄖郡治東重建

關帝廟成今陝西巡撫方公任河南藩司時駐防漢上因  
撰文以紀其事且謂鄖士民以死勤事宜附祀於廟禱  
與郡守方山王公亟躋之會王公遷兵備去甬民阿公  
來守旋奉有直省擇地建祀之文夫方公所議在鄖言

鄖其附祀

關帝廟亦竊比鄉賢附於學宮之義耳今更推而廣之酬  
庸在是教忠卽在是天下臣民宜何如感奮也雖建祠  
並未專指其處而禮緣義起於

關帝廟爲尤宜此向者方公爲鄖言之而不獨爲鄖言之  
也茲擇於

關帝廟左建祠五楹廣五丈深十五尺經始於癸亥七月  
逾月而落成合六邑死事文武諸人以次設主春秋致  
祭焉禱爲誌其緣起而勒之石時嘉慶癸亥十月吉日

縣城嘉慶八年總督吳熊光率知縣孫捷三與士民增築  
學宮舊在東關外嘉慶元年賊圍城署房縣知縣魏相臣  
將

先師先賢各木主移於城內鐵佛寺供奉

文廟兩廡被賊蹂躪六年總督吳熊光督辦軍務駐房謂

城外非宜飭房縣知縣孫捷三與士民捐貲移於城內

小校場建造殿廡各祠及兩學博衙署並鑿井且購書

貯焉熊光有記

物難初夷之會將欲正人心端風俗必自學校始古者出則受成返則釋奠雖

武功寓文教焉干戈之氣靖以詩書鋒鏑之聲息以絃誦庶幾使民興行以游於

聖人之門是故天下郡縣皆有學董士以師儒納民以軌物將薰其德而善良也必擇高明爽塏之地低徊景仰於

### 鄆陽志補

十三

其間而規制不可以或苟房陵僻在山陬唐始開貢舉  
立學校宋修州學基址不可考明改爲縣縣學在城東  
北隅以形家者言移建東門外後雖自郊而城卒以城  
外爲定屢有興作不敢易迄今二百餘年聞之禮小學  
在公宮南之左大學在郊今縣學視諸侯之類官則在  
郊似有足據然橫渠氏有云郊學係鄉學之大者諸侯  
所視斷無在郊外之理姑勿深考第狃於科名之說而  
伏莽及於泮林城闕傷夫茂草伊誰之咎與向者匪徒  
肆作不靖勞我

王師申其撻伐挺而走險者以老若爲逋逃藪往往遊奕無  
時屢薄房城幾毀學校守土之吏懼焉暫奉粟主於城  
之真武廟尙得謂卜云其吉終焉允臧乎嘉慶六年夏  
予奉

命督兩湖駐房籌邊事每當月朔伏闕上丁習禮思所以妥  
侑之者因城中乏隙地逡巡未果越明年匪黨以次漸  
平乃度地於城西北隅地本演武場廣袤三十畝有奇  
俾立黌宮厥制稱善余捐俸爲之倡則監司守令暨士  
民之秀者各量力以輸鳩工飭材規模大備經始於嘉  
慶壬戌之臘至癸亥秋七月落成當夫上梁之日適獲  
首逆崔宗和在泮獻功卽於廟致祭繼自今濟濟多士

懷我好音不惑於回邪不詭於正道庶有豸乎余嘗  
然以思宰然以望見夫朝陽初升平岡前接拂拭若几  
案然而南山之嶄削刻露者拱衛於旁莫敢或肆雖殿  
以東嚮因地制宜而實扶輿結撰自然之大局也今夫  
學校之新所以作育人才卽以轉移風氣房被兵革有  
年矣方今餘孽盡殲氛祲不作  
聖天子仁育萬物脅從罔治咸與惟新惟期耕鑿共安返而  
遊於熙皞而士爲四民之首益當修明夫孝弟忠信之  
行砥礪夫禮義廉恥之防正路是由以爲民勸然不可  
遽責之士與民也道在司養司教者克盡乎教士養民  
之責勿以急功競名消其志營私牟利汨其心正本清  
源治臻上理而  
聖道大昌焉於以循歷宮牆仰瞻廟貌此心先可自質惟士  
與民有不鼓舞而興起乎爲房陵一邑言之且將爲全  
楚告之也因記更新之歲月而敘其緣起於此

武廟舊在東關嘉慶元年被賊燬署知縣魏相臣新建於  
縣治東南隅

鄖陽志補

三

文昌閣嘉慶九年重葺署房縣知縣洪範有記

房邑東關

文昌閣像魁星於樓上毗近舊學宮其始建何時無可考惟  
梁間載乾隆丁亥重修由學宮以按閣之方位殊與形  
家言不侔嘉慶壬戌總督魏江吳公籌建學宮而慮關  
外之原址弗善也安襄鄖荆道方山王公相度形勢移  
建於城內西北隅工成入廟觀之層巒疊嶂四面環繞  
而巽峰特出  
文昌閣適當其位若昔年建閣有隱與學宮相待者第年久  
多圯軍興以來貽藉特甚方山王公語學博李君運齊  
曰曩者巨興作縣令既承之矣以此屬之君可乎李君  
唯唯率生員賡有節等驪然趨事逾三月而完好如初  
是爲嘉慶九年十二月也明年余署篆來縣李君爲余  
道其顛末問記於余余作而言曰諸君子爲此固以妥  
神靈亦以振文教也我  
皇上命將出師蕩平邪慝以人文化成天下故崇祀

文昌與

文廟等誠盛典也按武陵太守星傳云文昌六星其四曰司  
命五曰司中六曰司祿而皆統於文昌宮夫天星也而  
立神號以祀之蓋欲使吾民知所受之有中以其

知所秉之有命以定其志由此是訓是行必有餘慶則  
年穀順成福祿爾康不獨陰消其疵癘天札而邪慝亦  
化爲善良易曰文明以止人文也吾知化成之效且蒸  
蒸而日上也已余故喜而爲之記捐貲諸姓名備書碑陰

### 竹山縣

縣城嘉慶元年賊蹂躪後知縣范繼昌濬濠築城郭外又  
爲翼城二均置女牆足資保障

學宮嘉慶元年被賊蹂躪知縣范繼昌重修安襄鄖荆道

### 王正常有記

今上御極之六年竹山令范繼昌汧谷重修學宮成適予以  
邊防之役嘗駐於此朔望祇謁頌仰周遭旣宏且厲心  
竊嘉焉汧谷謁予言曰此固舉而未書者屬予記予按  
竹山學創建改移具悉前志自陳封舜增修後嗣有作  
者補苴而已上兩旁風已岌岌乎不可支至嘉慶丙辰  
工未竣而賊氛起

### 鄭陽志補

西

文廟雖未敢燬而門壁蕩然更多殘缺汧谷曰是守土者  
之責也於軍書旁午中鳩工庀材凡內而殿庭外至門  
牆與諸祠一律整理始於嘉慶己未之冬越庚申乃考  
嗚呼此治之本也汧谷可謂知本矣記曰君子欲化民  
成俗其必由學乎

國家廣厲學官尊經有闕明倫有堂其所以正人心敦風  
化者固已深入乎民隱而師儒以時習禮其中儻凜然  
綱常名義之重尤足以感發其至性而防制其匪彝卽  
或間有戾氣所生自外名教如向之邪匪者一旦蠢動  
文武士子輒義形於色持械爭先而荒僻椎魯之民且  
視若私讐齊心畢力決脰陷胸而不顧當是時鄭屬義  
勇聲聞天下而竹山爲尤烈蓋其漸摩然也柳子厚謂  
仲尼之道與王化遠邇詎不信哉汧谷勤於爲治扶衰  
救敝竭蹶無休時士民亦如臂使指其循聲最著昔范  
文正公以蘇人守蘇將所得南園地立爲蘇學旋守饒  
州又遷建饒學其後蘇饒學徒浸盛今猶傳之汧谷其  
後裔也此舉可謂無忝前人矣邑人士益加奮勵必有  
蹶然而興者予故喜而爲之記

武廟城隍廟昭忠祠及各廟書院衙署養濟院知縣范繼

昌俱重加修葺完整詳見竹山志

竹谿縣

縣城嘉慶元年被賊後正署各令宗超海郭淵極徐如灝  
前後甃以層石濠堦門樓一律堅固

鐘鼓樓徐如灝重建有記

城中築臺建樓謂之譙樓以望遠也設鐘鼓以警衆也蓋其由

來舊矣縣治左原有樓不知創自何代考之志前明宏治間邑令伍公夔曾製一鐘其創自宏治前可知乃時移世易樓圯而鍾亦移之文昌閣迄於今臺且圯矣辛酉秋余奉檄承乏茲邑時以城垣未竣方謀趕築勢不能以並營也癸亥春城工竣卽捐俸建之而國子生關思誠曾鐸龔志誠孫公璜謝尙德等且樂襄其經費越月而告成鐘鼓設如前昔李衛公設鼓角以施軍令鐘鼓卽其遺意今鐘鼓以定昏明使人知入而息出而作也設遇有警則又以一號令如李衛公法至於清平無事民安物阜偕一二僚友登樓覽勝則溪水迴環近在

鄖陽志補

五

襟帶而畫屏五星諸山爭奇獻秀奔赴眼下不幾媲美於魏武麗譙之樓也哉抑余聞形家言邑西南偏頭山欹表不整名曰訟筆斯樓居學宮之巽位爲文明方茲於樓上塑魁星像執筆以點化之按史記斗魁戴匡六星曰文昌宮余之爲此近於神道設教者然然邑人士自是其振興乎余日望之是爲記

保康縣

縣城嘉慶元年賊蹂躪後知縣楊開鏡陸續甃堦浚濠開門建樓次第完整又以城北山高峙恐賊窺伺於城內築壘甃以甃置礮防守保障足恃

武廟學宮衙署均經楊開鏡重葺

鄖西縣

縣城嘉慶二年被賊蹂躪知縣孔繼楨糾各鄉士民繕築

門樓雉堞俱完固

文武廟 文昌宮 書院及縣署經知縣孔繼榘修葺

有記載入鄖西續志中

茅山廟嘉慶二年繼勇子德榜泰捐貲令知縣孔繼榘建

德子有記

國家深仁厚澤涵濡海內僻壤遐陬神人咸若我

太上皇帝聖神天縱乾健壽康奮揚英武赫濯聲靈正教方昌

邪說悉屏天下咸遵王路焉仰惟八徵著神十全紀功

皇帝繼承純德篤祐凝休民生其間者沐日浴月鼓腹含哺

宜何如戶頌衢歌以鼓舞於無盡乃有倡言邪說潛謀

不軌之徒蹂躪民生宜天討所必誅亦神人所弗赦彰彰不爽也歲在嘉慶丙辰是夏之界有逆匪

鄖陽志補

之富繼起相濟糾集亡命潛謀變擾朝廷赫怒

王師下征首逆懼而遁逃歷年未靖歲戊午天子發勁旅三千命余與廣州將軍明亮督同川粵綠營各

兵環攻而躡捕之

帝訓督師進剿始於漢南延及楚北邊界戊午三月五日連破賊於茨河載殛之於蓮花池又破之於兩河口余恐

賊潛遁先於漫川關飭都統賽冲阿溫春等馳赴設伏掩擊之賊復走三岔河乃鄖西界時三月六日也我師

乘勝逐北時已日夕微雨繼作有阻余行者余不顧也

會楚撫汪新亦飭鄖守王正常鄖西令孔繼榘簡練鄉勇分堵要隘賊左右衝突不得出乃棄馬登茅山攀援

而上嶺高壁陡懸崖千仞官兵過其南鄉兵阻其北轉戰三時賊度不得免乃自投崖官兵躡而殛之遂殲

二逆於崖下搜捕餘黨就戮者七千餘人生擒者一千餘人盡斬之是役也將士爭先鄉勇用命而余謂

遁竄惡貫滿盈良由山神護佑默相潛扶人奪其魄羣醜盡殲是



神之靈爽不可忘宜列祀典以明所自記有之有功德於民者則祀之余愧不文爰捐金飭邑令建祠山麓春秋祀享以彰天子之威靈百神之順助焉是為記

官師 宦蹟 人物 選舉 補

周蕭撫

蘭陵人保定三年為上州刺史為政仁恕以禮讓為本嘗至元日獄中囚悉縱回聽三日還獄諸囚悉如限至秩滿當遷部民李漆等三百餘人上表乞留詔嘉美之二統志

宋夏璜

字致宏九江人竹山令紫微集

明李三省

蘇州府志三省字思曾鄖陽人萬歷初以歲貢為吳江主簿陞崑山丞丞職水利邑頻年苦潦三省乘小艇循行阡陌間便宜修救未嘗受民一錢一菜也有范某者煽惑人為佛會誘淫少婦三省杖殺之妖風頓息初在吳江置一竹兜出入舁之及在崑山未嘗改易公服革帶常質子錢家吏部尚書嚴清稱之曰居官如李丞天下豈復有墨吏哉已而病卒邑民祀柳塘祠

鄖陽志補

劉璋

補註時鄖陽旱蝗民憂之夢神語曰撫治來蝗即殄矣及璋至大雨如注蝗盡投水死父老歡呼走告璋曰此天活汝曹吾何德焉廣輿記

劉孔暉

史外公諱孔暉字默菴鄖陽人天啓辛酉舉人龍陽學教諭巡按御史林鳴球知其賢表為縣得河南之新鄭是時羣賊擾中原河南大亂公從間道抵新鄭新鄭城且頽歲復凶民多逃徙或教公棄城走民寨自全賊勢甚盛毋守死空城為也公謝曰朝廷不以孔暉為不肖待罪茲土縣存亡即孔暉存亡敢逃死乎於是修垣浚隍城守畧具而李自成兵至呼城上速降賊官與印不然城且屠公繫印於肘登城守禦而賊求益眾縣人涸涸欲走無固志富豪縋城降賊求生公執而斬之而賊已斬南關入焚掠倉庫譙樓皆燬縣人皆走公大呼百姓巷戰莫有應者賊射中公中臂墜城而殞賊尋去聞人張賀等昇至民家燒湯灌之閱二日而醒移文上高名衡不可於是公仍城守如故賊復引眾

執公見印在肘間折臂取印去執至朱山鎮  
自成不屈遂遇害從者圍人涵三立亦感憤罵  
賊死其僕劉廷及門人鍾寬楊芳皆殉難是為  
崇禎壬午正月十二日也事聞贈尚寶寺卿汪  
有典曰嗚呼公事親孝謹而與兄相友愛幼時  
詣塾師學書課已畢而兄課不能竟則伏几泣  
師詰之以實對師喜每稱友愛純至以勵他子  
弟計借入京師道聞兄疾即反侍湯藥不懈此  
天性所發至誠惻怛於見危授命何有哉

### 曹同升

史外作同申字幼伯巢縣人崇禎十四年任鄖  
西知縣時縣經賊殘破又安置降寇老當當前  
署事者江干棲泊公集流移脩城垣為固守計  
忽張獻忠約老當當為內應倉卒被執公護印  
不與死之當事疏請照郝景春例優卹按通志  
作曹同誤

### 龔懋堦崇禎六年署上津縣知縣守城死之七世從孫

#### 龔景潞有傳

公諱懋堦字克丹又字玉屏侯官縣人  
其先系始宋參知政事莊敏公茂良莊

### 鄖陽志補

文

敏公二子曰安日政皆升朝孫堪會孫頌並殖  
學有重名歷數傳至脩始家福州又歷五傳至  
衍元末以發藏鏹贖難民家聲因之起高祖璩  
以子澤官贈奉直大夫廣東鹽課司提舉會祖  
源勅封儒林郎翰林院修撰祖用卿嘉靖五年  
丙戌及第第一人南京國子監祭酒父燿南京  
光祿寺典簿燿有八子公其第四子也生於嘉  
靖壬戌正月初二日配陳宜人無子以從子孕  
奇為後公形貌魁碩性孝友喜讀書慷慨慕古  
人氣節由國子生考職吏部授彬州州同以丁  
憂服闋補東昌之高唐又以丁憂服闋補鳳陽  
之亳州公已久於州佐鬱鬱不稱其志而目睹  
時事孔棘輒慨然曰此身其終不為我有矣適  
考滿遷湖廣行都司經歷時鄖陽撫治為宜興  
蔣公允儀一見奇其才喜曰此老矣軍其不負  
子初流賊大亂陝西已渡河而東寇山西轉掠  
畿南河北漸逼湖廣而允儀之受命撫治鄖陽  
諸府也帳下卒止五百人且楚地承平久人不  
知兵鄖西上津諸邑尤庠薄無守具忽朝議又  
以襄陽藩封重地命允儀移鎮護之允儀去鄖

之後列城更孱弱失聲援會冬寒冰合賊老軍  
回過天星滿天星闖場天混世王號五大營從  
澠池徑渡直犯鄖襄郡邑上津令某先事避去  
允儀馳檄命公守之時公年七十有二倉卒從  
數人至召父老諭之曰自流賊發難山陝我父  
老逃死守亦死然則為今計不若守而死猶得  
為忠義鬼乎皆泣曰惟長官命因簡壯丁備弩  
矢關廂積聚盡輸入保繕完未畢而賊已陵城  
下矣乃樹幟城上率吏民分陣而守賊銳環攻  
公悉力却之且斃其鉄騎數隊相持七晝夜雖  
年老數委頓而愈感奮自厲賊自渡澠池連陷  
數十縣縱橫馳突勢若決河獨上津與之抗拒  
不卽下乃忿曰此城外陋而內堅須以計取之  
遂嚴鼓列隊為豕突勢綴公於北而匿精銳東  
南隅乘隙肉薄而登城遂潰事急左右請移幟  
他所易服趨避公怒曰吾身與城共存亡事至  
此樹幟所卽吾死所誰敢移吾幟者斥之退賊  
至猶手劍禦之賊擁而縛之斬其首於幟下時  
崇正六年十二月二十六日也越一日賊移營  
去左右於幟下獲其尸面如生哭而殮之賊初

鄖陽志補

完

合圍公遣卒走間道請援於允儀允儀不能應  
及城破公死嘆曰老參軍不負予予負老參軍  
矣錄其死狀請卹於朝詔贈奉政大夫湖廣按  
察使司僉事賜祭葬入祀旌忠祠蔭一子入監  
讀書明年甲戌計至閩能始曹學佺率族戚哭  
奠於公家能始公女弟夫也又明年乙亥十二  
月孕奇營壙於閩縣東關外登雲路先塋之次  
與陳宜人合葬焉宜人蓋先公數年卒云七世  
從孫景潞述能始曹學佺有祭內兄龔四丈文  
見石倉全集西峰六一文卷內通志作懋澤誤

國朝

黃詔房縣九道梁巡檢禦賊陣亡其妻王氏墜崖死之

原任辰沅道成都田灝奏留湖北軍務聞其事爲立

傳

公諱詔字志鴻別號雲飛浙江山陰人家故貧幼

失怙恃走京師由刑部律例館議敘從九品職房  
縣西南之鄙曰九道梁在萬山中與四川大寧巫山  
接壤距縣城四百餘里五方雜處夙稱難治乾隆

十九年增設巡檢司一員駐其地公以五十六年  
茲任日巡溪山密菁間與刀耕火種之民煦煦訓誡  
如家人邊氓樂其平易敬愛之越五載為嘉慶丙辰  
枝宜教匪起其黨多踰伏於房之南山二月杪竹山  
保康相繼陷房縣圍四郊皆豎白幟而寧巫興山土  
賊亦勾結入境梁汎存亡已度外置之矣迨三月初  
房圍解公報至府始知賊熾時大小羅溪冷盤垵之  
賊合鄰匪數千欲趨縣助逆公先部署居民扼要守  
至是賊來相與出奇計盡殲之大府錄其功侯陞  
丁巳戊午間兩次賊竄房境公率勇於猗洛河廟坪  
湖溪等處極力堵剿賊無敢入梁汎者洎後景制軍  
派樊副將雄楚蔣參將觀濤帶官兵於梁之年旺壁  
烏雲頂設卡公募鄉壯為助築城挖濠勞曠為多而  
官兵餽務與團練事宜皆公任之已未秋初賊由竹  
谿竄房處處告警公帶義勇往西路馬鬃嶺及老虎  
垵防堵賊不得入旋又赴上龕截剿賊却之維時另  
有川匪自巴東湘泗嶺入公聞樊蔣二戎由年旺壁  
帶兵追剿其勢必趨梁雞鳴口要隘也公即回梁帶  
勇駐其處七月十八日五更時賊果來勢甚張公力  
禦之戕賊數十人賊且退至天明大駭磨至勇遂潰

### 鄖陽志補

二十

公身中矛十數創死賊退公屍入水漂至黃連樹閱  
六日獲之面如生事聞

詔賜卹配王孺人宛平籍幼嫻母教適公公正需次都門  
家窘甚孺人躬操井臼撫子女俾君無內顧憂一時  
以為賢厥後隨任其勤苦如故當賊入時孺人先令  
家丁將二子兩女赴晏家坪山寨而自抱幼女與僕  
婦何氏登山避顧其山高險難行孺人倚崖岸坐及  
聞變悲痛不欲生無何賊至逼之起孺人不應賊婉  
言挈其臂曰行行孺人手麾之大罵抱幼女墜崖死  
何氏亦觸石反跌墜崖死賊錯愕逸巡去越二日路  
人聞崖下有呱呱聲下視之則孺人早絕而幼女在  
抱尚安然無恙也異哉制軍倭什布為之請

旌奉

旨予祭葬建坊入節烈祠公有二子長日崇禧年十五懷  
巡檢司印避山寨得無失次崇祿年十一女三次女  
以痘妖公山陰無祖業崇儒以公與王孺人兩恆誓  
殞於梁行將謀歸窆以安忠烈之魂余撮其節畧為  
之傳以備

國史採擇焉

黃富國竹山武生嘉慶五年竹谿石店河陣亡知府

正常有傳

守戎諱富國字世封大冶籍竹山縣人少

邑武庠嘉慶丙辰教匪蜂起陷竹山守戎居縣治北  
馬鞍橋拔劍砍地誓殺賊會西安恒將軍瑞統西師  
來守戎赴營為嚮道克復縣治追賊渠曹海揚至北  
星河斬之馘其首以獻將軍大喜令隨營至房保寨  
棗剿賊凡將軍指揮守戎皆身先士卒屢奏戰功擢  
千總

賞戴藍翎二年冬請假回籍維時楚境粗寧而川陝之賊  
方熾也中丞汪新

奏請設防至竹山守戎謁見大加賞識咨將軍畱於本邑

操習練勇坐作進退咸如法三年制軍景安親閱稱  
善補竹山營千總四年四月賊由陝西平利老羊坪  
撲雲露溝卡入境制軍倭什布飛調守戎帶勇追至  
歇馬河紫草河馬良坪戰三勝賊畏甚稱曰黑虎軍  
蓋守戎所張黑幟賊知之舉以相戒每見即窮日夜  
奔命制軍屢次入

告擢湖北督標左營守備

鄂陽志補

五

賞戴花翎冬川陝賊屢經剿敗脅從多投出而餘孽有青

號白號黃號綠號合為一股窺伺邊境五年正月賊  
冲平利亢喜披初五日由文彩溝伺撲石店河卡兵  
單不能禦制軍令守戎帶勇出賊遂去明日賊渠  
張洪榮率賊數千突出山口守戎率兵勇奮擊殲紅  
衣賊目一名餘賊百十名賊稍却守戎揚聲告曰凡  
脅從皆良民有棄械投者不爾戮賊噤閉而散去者  
千餘賊渠大驚由山口遁山口者石店河之東溝也  
中險窄傍兩山壁立皆老林無人跡守戎料賊必復  
來嚴守山口日將晡賊磨至或以眾寡不敵自守戎  
守戎曰我師一移賊踵至能保制軍大營乎昔李廣  
以數騎却匈奴正今日事耳遂先士卒奮勇直前賊  
披靡復退將旋師賊由石店河老林間道抄出四面皆  
賊守戎左冲右突大呼殺賊無不以一當百殲賊數  
十人守戎眉中創棄馬步戰猶手刃數賊賊矛蝟集  
洞胸而亡此初六日日瞑事也年三十有四嗚呼可  
惜也已守戎性孝友尚義氣族黨姻婭咸敬愛無間  
言治營務撫士卒絕甘分少能得人死力以故所嚮  
輒捷陣亡日將吏士民無不隕涕事

司於黃富國姓名旁奉

殊批可惜之至  
詔加等賜卹余時駐谿邑司轉餽稔其事爰進梗概以備  
司勲者採擇焉同時死事者有千總彭樺邢允襄把  
總邢允貴楊廷秀楊文魁朱文貴劉士元外委胡得  
勝周天華李光春鄧體道千總銜鄉勇首領郝建寅  
王清奇等皆敢戰致死與守戎歷著戰功

知府

阿霖

嘉慶六年任滿洲正紅旗生員

劉錫五

十二年署任山西介休人辛丑進士

通判

樓春坊

九年在浙江餘姚人副榜

喻芬

十年署任四川榮昌監生

崇光

十一年任漢軍廂藍旗人

鄖陽志補

教授

吳世蘭

監利進士卒於任

王處俊

江陵進士

訓導

王承愷

鍾祥廩生

王見炯

江夏舉人

鄖縣 知縣

張汝諧

乾隆五十年署任江南丹陽人庚子進士卒於任

蕭與潔

五十八年署任山東德州人襄陽府同知缺上補遺

陳德潤

嘉慶四年署任湖南湘潭人癸卯舉

高賜禧 六年任河南開封府進士十年調去

徐必觀 十年署任江西奉新人壬戌進士

吳鴻裁 十一年任安徽涇縣人辛酉舉人

教諭 鍾祥占 廣濟人戊申舉人 訓導 李允懃 麻城人甲寅舉人 典

史 蔣長齡 安徽歙縣人 劉方樹 江蘇陽湖人 黃龍灘巡檢

黃士杰 復任籍見前志

房縣 知縣

金克俊 嘉慶三年署任順天舉人五年十二月隨營糧務途中遇賊被害照例請卹

鍾應焯 四年署任福建舉人

李維本 五年任直隸西寧人乙酉拔貢

鄖陽志補

孫捷三 七年任直隸灤州人辛卯舉人卒於任

洪範 十年署任十三年復署安徽含山舉人

許恂 十二年任福建監生旋以潛江堤工調去

教諭 李永濟 應城人丁酉副榜 訓導 李運齊 蘄水人歲貢 板橋巡

檢 經緯 漢軍正黃旗人 九道梁巡檢 余遠思 湖南平江人 典

史 汪銘 安徽人署任

竹山縣 知縣

秦錫疇 嘉慶十一年署任籍見前

詹英豪 十三年任浙江會稽人保舉

教諭 張士旦 黃岡副榜 吳士魁 黃州副榜 訓導 萬年 黃岡

卒於任 **高安和** 安陸府廩貢 **官渡巡檢陳增** 順天大興人 **典史**

**金在鎔** 署任湖南人

**竹谿縣 知縣**

**蕭與潔** 嘉慶三年署任籍見前

**陳德潤** 五年署任籍見前

**郭淵極** 五年署任山西介休監生後改名紹勳

**徐如灝** 七年在順天宛平貢生

**石燼** 九年署任直隸拔貢

**李逢源** 十年調任河南洛陽人乙卯進士

**教諭 王崇敦** 黃陂拔貢 **張本** 安陸拔貢 **訓導 王之燦** 通城歲貢 **典**

鄭陽志補

**史 孟興業** 直隸天津人

**保康縣 知縣**

**黃桂昌** 嘉慶十年署任湖南人

**趙方泰** 十一年署任山西舉人

**鄭瑤** 十二年任山西平定州人壬戌進士

**教諭 黃豐山** 石首舉人 **訓導 顧啓賢** 蘇州貢 **典史 丁天**

**鈞** 浙江山陰人 **鄧錕** 江西新建人

**鄭西縣 知縣**

**符其珍** 嘉慶十三年署任廣東文昌人辛酉拔貢

**趙秉淳** 十三年任江蘇上海舉人



教諭 郭士舉 黃陂癸卯舉人 訓導 王廷採 宜城廩貢國子監肄業

史 楊 錕 浙江鄞縣人

鄖陽府學

杜作梅 汪紹賡 以上恩貢 冀定豐 拔貢任咸寧教諭 龍從文 歲貢

任咸豐訓導 胡庚年 徐子超 雒在德 吳立權 郭

德溥 朱魯川 晏自榮 張燦黎 陳文瑩 敏

先 江琳 王朝定 以上歲貢

鄖縣

侯 翼 丁卯科 恩賜舉人

吳金榜 戊辰 恩科武舉

鄖陽志補

三五

黎健德 拔貢 王以敬 藍愈奇 以上恩貢 康全楚 趙端

翁鳳齡 宋廷輔 劉金鐸 傅宗輔 以上歲貢

房縣

梅開林 郭建鄖 以上恩貢 高書雲 車 騎 以上拔貢 鄒國

治 廬秉全 彭志楷 許子慶 杜作霖 張書

藝 以上歲貢 汪有燕 廩貢軍功任光化訓導

徐成章 捐貢議敘縣丞分發安徽 林姓身 軍功議敘縣丞

竹山縣

李得瑞 上官思任 以上恩貢 劉照葵 拔貢 陳紹先 陳

槐 任之文 楊繡廉 陳光儀 袁紹安 以上歲貢

廷佐 軍功議 敘縣丞

竹谿縣

李昌平 戊午舉人辛酉進士現任內閣中書 蕭 煊 現任安陸府訓導 羅維智

歲貢任黃梅訓導 司效徽 拔貢候選教諭

雷鳴春 甲子科武舉 吳大倫 丁卯科武舉

汪 校 蕭 輝 以上恩貢 周紹巽 李守先 甘 楫

李嗣璉 湯昌材 彭正名 以上歲貢 曾之富 優貢

蕭 焯 捐理問

保良縣

李士寬 胡見賢 以上恩貢 王自新 拔貢 張杲之 阮亨德

鄭陽志補

存文海 柳學泗 余建標 周世德 以上歲貢

鄭西縣

張 岑 梁拱權 以上恩貢 夏良崑 拔貢 趙文錦 王顯達

晏文光 翟士琳 王樹德 母毅成 以上歲貢

桂芳 貴州府經歷

鎮守鄖陽等處總兵官一員轄中前左右四營嘉慶六年設中營游擊一員

守備一員 千總二員 一駐鄖縣 一駐梅家鋪 把總四員 一駐鄖縣

一駐江峪 一駐黃連 一駐青桐鋪 外委千把總三員 一駐楊溪 一駐木瓜溝 一駐湖

蝶 額外外委三員 俱六年設

前營都司一員 嘉慶七年設 守備一員 千總二員 一駐鄖縣 一駐

黃龍灘 把總四員 一駐鄖縣 一駐遠河 外委千把總三員 一駐神

駐花果園 一駐將軍河 額外外委三員 俱七年設

左營游擊一員 舊設竹山營游擊嘉慶六年移駐房縣兼管保康汛 守備三員 一駐

鄖陽志補

二十七

縣一駐上龕 千總四員 一駐房縣 一駐九道梁 一駐保康縣 一把

總六員 一駐青峯 一駐獐落河 一駐上龕 一駐方家 一駐保康野貓洞

外委千把總八員 二駐縣 一駐奈家河 一駐東浪 一駐晏家河 一駐茅坪 一駐保康受陽坪

一駐保康 黃寶坪

額外外委八員 二駐縣 一駐麻灣 一駐九道梁 一駐大木廠 一駐白鶴觀 二駐保康

右營游擊一員 舊係竹谿營游擊嘉慶六年改屬鎮標右營駐竹谿縣 守備二員

一駐縣 一駐豐溪 千總四員 二駐縣 一駐豐溪 一駐向家坪 把總六員 一駐

駐縣河舖 一駐秋溝 一駐豐溪 外委千把總六員 一駐龍頭

船口 一駐龍王溝 一駐撰河 一駐豐溪 外委六員 三駐縣 一駐向家壩

寨 一駐松山 一駐竹谿河 一駐豐溪 外委六員 三駐縣 一駐向家壩 額設兵三千

百名內馬兵三百二十名戰兵九百六十名守兵一千九百二十名

鄖陽城守營遊擊一員駐府城兼管鄖西 守備二員駐

鄖縣一駐鄖縣 千總二員一駐鄖縣 一駐上津 把總四員二駐鄖縣 一駐鄖西土門

塘一駐 外委千把總六員四駐鄖縣 一駐鄖西 黃鶯鋪一駐上津堡 額外

外委六員四駐鄖縣 二駐鄖西 額設兵八百九十名內馬兵八十九

名戰兵二百六十七名 守兵五百三十四名

竹山協副將一員轄左右二營舊係鄖陽協 嘉慶六年改

中軍兼管左營都司一員 千總二員一駐縣 一駐吉陽關 把

總四員一駐崔家寨 一駐萬興寨 一駐保豐 一駐紅岩寨 外委千把總三員

一駐縣 一駐對寺 額外外委三員二駐縣 一駐擂鼓臺 右營守

鄖陽志補

備一員駐官渡 千總一員駐洪坪 把總四員一駐縣 一駐白河口 一駐

界山一駐 外委千把總三員一駐縣 一駐化峪 一駐大樹壩 額外

外委三員二駐官渡 一駐洪坪 額設兵一千一百四十名內馬

百一十四名戰兵三百四十 二名守兵六百八十四名

兵事增 凡涉於鄖者錄之

嘉慶三年子爵德楞泰帥兵與鄖西鄉勇合殲賊首齊

王氏姚之富于鄖西茅山三岔河

四年四月叅將李正勇禦賊於竹谿關陽坪死之越旬

叅將董寧川追賊於梓桐垵與千總陳雲棟外委劉

永修等陣亡竹谿士民為二叅將立祠知府王正

有傳鄭縣知縣葉治有李董二參將祠碑記

傳曰李正勇廣

東長樂人爲人樸質旅力過人由侍衛游陞湖南臨武營參將嘉慶三年奉檄守竹谿雲路溝隘襄陽賊張添倫辛聰自四川敗走陝西平利白土關欲回楚四年四月初七日率數千人撲雲路溝正勇統兵勇六百人禦之賊麇至正勇奮戰殺傷過當賊退去初八日早晨會大雨賊直前撲卡圍數重正勇橫盪跳躍猶手刃數十人力竭歿於陣賊斷其首懸之樹移時參將董寧川帶兵至適賊由溝竄出寧川截擊之殄千餘人賊半走竹谿餘退屯白土關寧川獲正勇屍抱頭大哭目忽開雙眸炯炯有光事

聞

詔以副將議卹越旬有五日而遂有梓潼堽之戰賊之退

屯白土關也思趁合前股遂由梓潼堽窺我境制軍倭什布令寧川帶兵往賊伏深林寧川率三百人搜之二十二日黎明行數里霧倏合咫尺不辨人畜賊數千突起寧川大呼奮擊千人辟易賊卻走寧川追之馬忽蹶遂被害踰五日斂其屍體不復顏色如生制府親臨奠醢痛哭失聲上其死事狀

鄭陽志補

二九

天子爲憫惜有覽奏不禁墮淚之

旨 詔加等議卹如正勇尋

命下遣官護其子挾柩回籍先是正勇陣亡賊入竹谿制府帥兵緊躡令寧川抄其前賊東走截其東轉而北復截其北賊遂棄老弱器械踉蹌西竄七日而遁白河制府

奏其功

上方擢用至是與正勇俱歿嗚呼其可惜也已寧川直隸武舉由兵部差官累功至興國營參將得健勇巴圖魯名號

賜花翎

同時死事者有守備賈慶檀千總楊玷劉永脩把總程運棟例得附書諭曰子輿氏謂士可以死可以無死死傷勇正勇守將雲路卽其死所也司馬法曰將軍死綏正勇有焉寧川戰將可以無死乎昔固善謀度時地明進退戰周不利而以銜櫬之變死蓋其能謀者人而不能謀者天也謂之何哉

葉治二參將祠記曰二參將者一爲粵之長樂人李諱正勇一爲冀之撫寧人董諱寧川其出身宦跡不

必盡同而各以參將歿於  
王事一也楚匪流毒川陝思歸故鄉匪伊朝夕賊渠張添  
倫者襄陽人嘉慶己未夏四月由平利走竹谿時倭  
公什布奉

天子命總制兩湖二參將俱隸麾下器使之李先遏賊于  
雲路溝以少擊多金火無虛發賊畏其鋒逸去不襲  
其後示慎也次早大雨賊悉大隊來李嚴備乃以衆  
寡不敵重圍之中猶手刃數十人力竭歿於陣賊方  
恣肆間董領兵往指揮截擊所向披靡賊敗竄董急  
覓李而頭懸樹間瞋其目見董而開董捧而哭釋繫  
合其屍雙目復瞑若有所知者其靈固如此制軍惜  
李益重董董感憤交迫誓殺賊跡賊所向率三百人  
至梓潼堦遮擊之是日銜枚疾走未曙而往天明霧  
淡合咫尺不辨人畜賊伏突起董大呼奮擊賊卻走  
董揮戈躍馬而前馬忽蹶墮崖遂被戕踰五日斃尸  
猶不僵面貌如平時制軍親臨奠醊哭之哀過於李  
聞者皆掩泣先是賊由李參將卡入竹谿制軍督大  
兵躡其後董趨捷徑遶其前賊左左擊賊右右擊賊  
窘甚棄老弱器械踉蹌西竄七日而遁白河董之力  
居多

### 鄖陽志補

三

上廉之方不次擢用至是而以死事

帝曰似此忠勇之臣

覽奏欲爲墮淚有以夫二參將既歿谿邑人懷其風節感  
其義烈立廟以誌不朽請記於余禮曰有功德於民  
則祀之能禦外患則祀之日考二竹便安邊患已絕  
何莫非二參將之靈所呵護耶爰爲之記李由侍衛  
任湖南臨武營參將  
詔以副將議卹董由武舉任湖北興國營參將曾以軍功  
得健勇巴圖魯名號

賜花翎

詔報加等議卹尋

命下遣官護其子扶柩回籍服闋後帶領引  
見書曰賞延於世其是之謂乎

六月賊竄竹谿西溝游擊張明千總蘇朝陞黃文珍

孫餘慶把總馬中魁徐秋魁死之

七月把總熊作梅追賊至房縣獅子巖被害是月黃

富國追賊至寶石店擒賊目黃士鳳都統德楞泰於  
二竹邊界八石坪擒線字號賊首卜三聘龔文玉龔  
奇位李谷青又擒偽帥張尙達

五年正月賊竄竹谿石店河守備黃國富等陣亡前有  
傳

四月副將孫清元追黃白二號賊於竹谿縣河舖守  
備吳純俊練勇侯建業張發科等遇伏死之純俊四  
川南川縣武生 是月剿賊於黃龍堰擒黃號賊目  
樊人傑之弟樊人貴另股賊竄鄖西葛坪埡千總吳  
晴把總張天祥與鄉勇武生柯隆忠陳必富先後陣

鄂陽志補

亡 七月賊回竄鄖縣東花果園沅洲副將佛寧候  
補叅將富勒渾都司雙桂花尙阿守備六達色被賊  
襲營遇害 六月領隊大臣明亮剿賊於上龕千總  
劉宏升把總吳仁陣亡 十月賊竄益水練勇首梁  
大成章景龍陳紀等死之 十二月總兵孫清元追  
賊於高淌河副將朱士奉抄剿殲偽先鋒俞文志練  
勇陳秉寅鎗斃偽總兵熊方青奉

旨陳秉寅卽補實缺把總如不願當差卽以頂戴榮身以  
示鼓勵欽此

六年正月賊犯竹谿千總吳瑜恩陣亡閣部總督書麟

追賊於門神坡北星河擊斬僞總兵下與昂僞先鋒  
魏鍾鈞

二月官兵追賊於龍家溝叅將馬德舒游擊拉里千  
總周華長外委杜柱明陣亡 三月官兵追賊至竹  
山官渡知縣范繼昌預撤渡船賊衆亂流而渡淹斃  
甚多 四月提督長齡剿黃白二號賊於太平寨擊  
斬僞軍師王貴僞將軍齊士傑陳福練勇敗賊於清  
慶寨殲斃僞先鋒劉玉九 五月湖北巡撫全保追  
藍號賊擊斬僞元帥劉作初 六月巡撫全保剿賊  
於向家壩擊斬僞元帥李大年擒僞總兵蔣添受

鄖陽志補

八月侍衛塔津保叅將孫應奉帶兵勇夜燒賊屯斃  
賊甚多擒賊目秦學禮熊貴 九月官兵剿賊於泉  
溪唐家坪擊斬僞先鋒王開擒僞總兵王冠  
軍是月賊竄房縣九湖坪 又德遇伏被害又  
官兵追剿黃號賊於 利交界之岳家坪擊斬  
賊首龍紹周 十月巡撫全保督官兵剿賊於樟落  
河擒僞元帥張起倫侍衛福翰由得勝坡擒僞先鋒  
張世才彭朝良 十一月官兵剿賊於老軍溝至七  
架山叅將姚國棟遊擊三福陣亡提督長齡剿賊於  
房縣八卦廟擒僞軍師鄭三元僞元帥褚貴王之



鄧彬 十二月總兵孫清元擊賊於竹山班竹園  
斬偽將軍宋龍

七年正月官兵剿餘匪於生長溝擒賊首張添受張得

貴驥目舒代仁偽游首楊士魁 二月提督長齡追

於保康馬良坪擒賊首崔宗和之弟崔元四又追

聖司馬崗殲偽總兵彭古英偽先鋒張大有 三月

總兵孫清元吉林泰協剿殲斃偽先鋒趙名魁擒周

大興 四月賊竄吉陽關外委劉紹先千總銜張占

相武生李允華死之 六月遊擊閻俊與竹山練勇

截剿賊首王國賢 即五四 國賢投水死官兵由房縣

鄧陽志補

追剿黃號賊首樊仁傑會芝秀於平渡河俱淹斃又

殲斃仁傑之弟仁禮姪樊虎樊鳳子樊龍擒逆妻王

氏又追剿餘匪 斬偽總兵李洪浩擒偽總兵田大秀

偽千總唐宋裕 八月追剿藍號賊首 擒寶於瓦

房溝添寶墜崖死是月總督 奏委

奏委道王正常總理二竹房保團練 竹山委員縣

丞張從鼎督同寨勇搜擒竄匪黃秉祿劉永福劉開

相等解送制軍行轅正法 九月官兵追餘匪於謝

家坪擒偽元帥張書漢偽軍師廖澤元 十月官兵

於施家溝擊斬偽總兵李學進姚有春羅金堂房縣

寨勇徐成章搜擒崔宗和之叔崔連約擊斃僞先鋒  
周長子 十二月保康知縣楊開鏡與委員縣丞詹  
英豪率寨勇搜擒賊首崔宗和於官帽山合川陝楚  
三省計擒斬著名首逆百餘人積惡賊首數百人掃  
除賊黨二十餘萬衆悔罪投首者數萬人經畧額勒  
登保叅贊德楞泰四川總督勒保陝甘總督惠齡湖  
廣總督吳熊光合詞具

奏大功勘定尙有餘匪奔竄稽誅

八年閏二月叅贊德楞泰自陰條嶺追剿擒僞先鋒熊  
富 三月官兵追賊於三里塢叅將烏勒吉納守備

鄭陽志補

三四

鄭光明陣亡房縣知縣孫捷三同委員王斌第率寨  
勇搜擒賊首胡明遠 四月至六月提督楊遇春總  
兵慶溥吉林泰副將呢瑪善張瑗蔣觀濤叅將祝廷  
彪等各路搜剿擒賊首苟文剛擊斃賊首戴四掌櫃  
唐明萬陳侍學僞元帥趙鑑僞先鋒劉世榮僞總兵  
趙士榜

九年仍督官兵寨勇搜勦淨盡七月

奏委兵備道王正常同副將樊雄楚次第撤各邊鄉勇  
九月撤防

房陵有獵人善射冠一境矢無虛發一日遇猿凡七十餘發皆不能中猿乃舉手長揖而去因棄弓矢不復獵

畫墁錄

均房人取山中枯木作膠傅破布單施虎徑中木葉蔽之虎踐履著足不脫虎怒頓挫不能去以至傾撲而死開腹腸亦斷

房州西門外三十里有石崖極高峻其下爲石室道觀在其側曰九室宮土人相傳云陳希夷隱於華山時嘗居此石室乃臥閣也民焦老者居山下陳每訪之將至必有二鶴翔空而下焦民以此候之傾家出迎

鄖陽志補

三五

具茶果延佇經歲常然一日告去焦曰先生將何之曰吾欲歸三峯耳焦父子強畱之不可徐問曰汝家何所欲欲官耶欲富耶焦曰窮民不願官倘得牛千頭足矣陳笑曰易事也攜與俱行至山後指一地曰異日葬此當如汝願及焦死其子奉柩窆於所指穴數年間豐產豐盛耕牛果及千頭迨二百年子孫尚守其舊業鄉人名其處爲焦老墓田

三朶花補註姓李氏隱於房州之福溪巖每戴紙花三朶入市市人圍繞呼之但笑云休打裏休打裏者房人言猶云莫要如此也有二三老翁與之遊閱邀入

城飲酒輒語先去我便來翁到城李已先在同詣酒  
家所沽錢盡而興未已李探手於腰間小竹箠中取  
錢索酒至醉翁竊視其箠空無所有李自取依然隨  
手滿案如是久之忽與人告別不知所之原隱處石  
壁塑像猶存郡人認其一詩云戴花三朶鎮長春誰  
識元中不二門醉裏自傳神似活終當不老看乾坤  
尾句或云不知不覺到黃昏蓋每醉時必寫真雖兵  
戈後尙有藏之者俱見夷堅志

嘉慶十四年己巳春二月朔